

OMUKWETU

Registered at the General Post Office as a Newspaper

15

Etokolohalo lovakulupe

kuVeikko Munyika



Omulongi omukulu Abed Kandongo

Onye mwe shi ninga tashi dulika pa kale eembuto doudu tadi kondjifwa nena, nevangeli tali udifwa memanguluko.

Onda hala okuweda ko, kutya ovakulupe vetu ove shi okuhokolola oluhepo. Ove shii eshi tashi ti; okukala ohepele, oku fya ondjala nokufya outalala.

Molwoshili ei, vo ova kendabala epupi eli letu, liha wile moupyu wefimbo lavo. Ova kendabala opo ame noove tu kale

monghalamwenyo ixwepo, tu na eendja dokolutu nodokomwenyo.

Onghe fye katu na omhito oku va vela eembedi, kakele kongunga oyo itatu du-lu okufuta. Natu liyeleke navo.

Shaashi ova kendabala oku tu ningila oi-nima aishe iwa, fye otu va dule paife moinima ihapu. Shiimba ove oumule ile oumunene u dule "madala".

Omolwaye owa mona ehongo lopombada. Aishe ei oya ningwa, eshi inava ndalapa-tela nande osha va li ve shi li, ile ve shi na. Ova longifa aishe opo ove u kale eshi u li nena. U wete ko?

Mokuninga oinima ei, ove tu ulikila kutya opo epupi lokomesho li ka kale nghixwe, li tu dule, nena otu na okulidimbwa fye veve, ndele omolwomaludalo etu okomesho.

Ootatekulu noomeekulu ngeno kava ningile ngaashi va ninga, ngeno ohatu va pe eembedi. Sho eshi otashi tu dimbulukifa kutya, nafye yo ngeenge itatu lidi-mbwa fye yene, omolwoshiwana shokomesho, ohatu ka kala tu na ongunga

Ope na vahapu inatu mona eenghono doupaani nghee da teywa moiwana yetu. Ndele tu dimbulukweni kutya, ope na ovo ve di teya notu na ongunga kuvo nge itatu va pandula.

Tala kep. 7

AGUSTE 30, 1982

NO. 16

2 OMUKWETU AGUSTE 30, 1982

Ngipandulua ta ti sha kuukriste mOlange

Aaunguli mu C.D.M. oye u pulakene nohokwe noitulomo enene. Okuza meegululo lyoshinyanya-ngidho, eti 7/6/82, amushanga guuleligumbo M. Ngipandulua nomuthindikili gwe omusita F. Nghihalua oya londekwa mookombi dhaakaleli-po yongundulwiimbo lwa C. D. M. dhi ya fale ko.

Sho ya thiki mu C.D.M. oya taambwa nomatumbulo nga:

“Tse otwe mu hala notwe mu pandula sho mwe ya kutse. Nonando oku mu hala kwetu noku mu pandula taku kondjitha omadhina geni, otwi ilongekidha ashike oku mu pulakena.”

Okuza 10/6 sigo 2/7/82 opwa ningwa oshipopiwa mUuleligumbo. Omasiku gane mokomboni kehe. Mookomboni ndatu omwa ningwa ootundi ndhoka lwaali mesiku, omutenya nongulohi, molwaamboka haya tokelwa miilonga.

Ookomboni adhihe (North, Uubvley, Mittag, Affenrucken noshilando (Local) omwa ningwa iigongi.

Aantu ye thike 1949 oya pulakene ootundi ndhika, nando mu C.D.M. kamu na we aantu oyendji pethimbo ndika omolwoopulanda dhimwe dha mwene kwa.

Otwa mono ngaa omwaalu omunene gwoonakugongala. Momahala ngaka omwa ningilwa wo omalengelokalunga kaatalelipo mbaka.

Omusita Nghihalua okwa kala aluhe omweeti gwomakundo ngoka ga zi kOmbelewangeleka, nomutamekithi gwiipopiwa.

Kalunga ota pandulwa sho tate Nghihalua a pe-wa kOmbepo shoka sha li sha pumbiwa kaapulakeni.

Oshipopiwa shuuleligumbo aantu oye shi pulakene nohokwe noku shi landula omasiku agehe ge shi uthilwa. Oya pula noya gwedhelepo shoka sha pumbiwa noshi na ekwatho.

Shoka she tu nyanyudha mu CDM

1. Aantu oya hokwa okupulakena ohapu ya-Kalunga nelongo lyayo, nando ya zi miilonga ya loka, ota holoka mootundi.

2. Uuleligumbo owe ya pendutha nowe ya pe ehwamo epe, li vule ndyoka ya kala nalyo.

Unene tuu sho ya koneke shono Kalunga a ningi

2 OMUKWETU AGUSTE 30, 1982

note shi ningi natango. Osho ngeyi ya thigala no-shimpwiyu shokuninga omafaneko nomatokolo gaa shono shi na okuningwa po mokukalamwenyo kwawo mekwatathano longelokalunga lyawo.

Yamwe ya thiki nale nokuli momatokolo, noye tu pe oshimpwiyu tu thikithe iikwatha yawo mpoka ya hala okukwatha.

3. Epapudhuko epe neitedhululo otwe li koneke moyendji, notwe shi hambelelele Kalunga sho a pendutha aantu ye melongo ndyoka ye li faalelwa.

4. Oohapu dhaKalunga odha dhigininwa nawa mpeyaka, otwa koneke wo nkene etilokalunga tali pangele moyendji.

Mpaka opo pe na elago, oshoka etilokalunga olyo ekota lyuunongo auhe.

5. Oowandaha odha dhigininwa ongula nongulohi, naakuluntugongalo oya dhiginine oshilonga shawo sheyakulo. Oosikola niigongi yopambepo wo oya ningwa.

Tala kep. 3



Katengela ta lalekwa e ki ilonge

Omulongi Rehabeam Katengela Auala (35), oku li ngashingeyi muAmerika ta hadha omambo a fule mo onkatu yuumasteri, kombinga yelongo.

Ompito ndjika tate Katengela, okwe yi pewa kEhangano ekwatheli lyaalhumithikomeho melongo muNamibia; The Univerity Centre for Studies in Namibia (TUCSIN).

He yomunona gumwe, Katengela inapu tseyika manga kutya ota kala ethimbo li thike peni, ashike omambo ote ga yanuna mosikola yokombanda yaMiami, Ohio.

Dha za kep. 2

6. Oongundu dhomalwiimbo odha etele aapula-keni évangeli ndyoka lya pumbiwa pethimbo lye-tu. Odha hekeleke dha tsu omukumo nodha lo-ngolitha iitegelelwa.

7. Okwiileshela Ombimbeli otaku monika. Ya-mwe otaye shi ningile nokuli momakambamba. Oyendji,otaa pula omaimbilo oge li peni?

Nonando twa dhimbulula iinima mbika tayi nya-nyudha, otwa kwatwa ngaa koshimpwiyu o-shinene sho twa koneke muyamwe ombepo yeite-kokalunga nokwiimangeleka miinima tayi hulu po.

Otwa thigilwa ngeyi oshimpwiyu noshinakugwa-nithwa shetu ootaali okwiindila Kalunga e tu se ohenda, tu hupithwé moshiponga sheitekokalu-nga, ihe tu mu kalele muuwike nomongundu.

Nonando twe shi tumbula nale metopoko naa-C.D.M., onkene tuu tatu pandula omolweihe-peko lyawo oku tu yakula.

Unene tuu moshinima shoku tu enditha mo-ndjila yokuthika ko noku tu futila egaluko lyetu pamwe na meme Mupopya ngoka a ka ningile uu-ngalo womimbilo.

Oshikondo shomainyanyudho mone tate Ka-polo naakwathi ye taa yakuya otwe pandulile esiloshimpwiyu lyasho, naayeheye ye tu ya-kula. Kalunga oye omudhiginini. It ka dhimbwa iilonga yeni iivanawa mwe yi tu ningile.
M. Ngipandulua
Amushanga gwUleligumbo

Ovawiliki vovanyasha navo oko vali

Etaletelo la fa likwao eli, ola ningwa yo kovawiliki vovanyasha; omufita wavo Josaphat Shanghai, omufita Onesimus Shanyengange, omweevangeliste Junigs Haixuxwa, nomweevangeliste Eliakim Iiyambo petameko lomudo.

Omufita Shanyengange, okwa shanga ehokololo lile okuholola ebandulo lavo metalelopo eli. Okwa tum-bula oinima imwe ngaha:

Elaakano letu okutalela po Olange osha li shi na sha nokuyandja omauyeletele kombinga yoyoongalele vovanyasha nelandulafano lollelshwa yavo.

* Okutalela po oshilongatamo nghe tashi longwa mu CDM nokunyamukula omapulo avo.



Omusita Matias Ngipandulwa

* Okupandula Ovalange mokukondjela omapandela, omukalo wavo okulonga oshilongatamo.

* Okuyandja omakundo a dja kOngeleki nokuSe-negal, ngaashi sha ningwa kuSanghala.

* Oku va ulukila omutumwa wavo ou ta longo kuKongo, tate Haixuxwa.

* Osho yo okumonafana nokutalela po ookaume nolloyo yOngeleki yetu tai longo penya momilamba daKawe.

Oomeme amushe vomOwambo, mwa kundwa koomeme kOlange. Oipakete ya fa ofenya, otwe i etelela ko oikutu neendjema.

Eshi osha dja mehokolo latate Haixuxwa, kombinga yatumo mokati kOvayeletele. Ovalange ove mu nyamukula diva moluhepo eli.

Twe mu pandula amushe Ovalange.

JMAPUKULULO

MOmukwetu N0. 10/1982 mep. 8 mokanomola 5 omukweyo omutivali nau leshwe ngaha:

Ombonge ya bomwa po mbaluvuli ...

Mokanomola 10, omukweyo omutine nau leshwe ngaha:

Ino litala ove mwene ...

Tangi kepukululo, tate Mufeti

OMUKWETU AGUSTE 30, 1982 3

OMUNAMIBIA MUHOLLAND

Okongeresa yopaigwana, pailonga yomoraboratori miipangelo, oya gongalele mu Amsterdam shaHoland muJuni 1982.

Aantu ye vule 4000 ya za iilongo yi vule 30, oya li ya kalele po iipangelo yawo. Oshipangelo shaNandjokwe nasho osha li shi na mo omukalelipo.

Onti-15 koonkwawo dha tetekele, okongresa oya konakona "Ehumokomeho paunongononi naasho no tashi imbi natango omunashilonga okwaadha elalakano lye komuntu omukwawo".



Omupangi John Seibeb

"Olwotango nda kala moshigongi sholudhi ndoka. Opwa li oshindji shoka omuntu gumwe awike ta nyengwa okugongela omauyelegele agehe ga pumbiwa."

Osho omunashilonga moraboratori yaNandjokwe, tate John Seibeb a tumbula mokugaluka kwe.

Omusamane Seibeb oti ili ominwe, kutya ando a pelwe tuu oonkondo adhihe dhuukalelipo moshigongi shoka, ando.....

"Onda talele po ooraboratori dhimwe, onda kundathana nomahangano gamwe omakwatheli muuyuni noya li ya hokwa okupulakena oonkambadhala dhetu mpaka.

"The ite tegelele ya ninge oshindji, oshoka ehoolo lyandje lyoompumbwe olya li lyopaumwene."

Osho a tumbula mombepo ya nika etyololoko.

Kakele koonakulonga mooraboratori, mokongresa

ndjoka okwa li wo oondohotola, aalandithi yomiti, aalongimashina gomiipangelo okugandja omauyelegele miikundathanwa, yi na sha niilonga yawo.

Oshigongi tashi ka landula oshi li kuAustralia ngiika 1984 notashi vulika oshipangelo shika itashi ka kanitha we ompito ndjika yoku shi kwatakaniitha naanashilonga ooyakwawo muuyuni.

1979 - 1980 - 1981 - 1982 - 1983 - 1984 - 1985 - 1986 - 1987 - 1988 - 1989 - 1990 - 1991 - 1992 - 1993 - 1994 - 1995 - 1996 - 1997 - 1998 - 1999 - 2000 - 2001 - 2002 - 2003 - 2004 - 2005 - 2006 - 2007 - 2008 - 2009 - 2010 - 2011 - 2012 - 2013 - 2014 - 2015 - 2016 - 2017 - 2018 - 2019 - 2020 - 2021 - 2022 - 2023 - 2024 - 2025

Aasita ya DELK ya thigi po oshilonga

Aasitagongalo yatatu mongeleleki onkwaevangeli paLuther yaAandowishi (DELK) muNamibia, oya tokola okweetha po oshilonga shawo mpaka noya shune kuNdowishiland.

Etokolo lyawo olya kolekwa kElelongeleki lyOngeleki onkwaevangeli paLuther muNdowishiland (EKD) ndjoka hayi ya langeke.

Omuwilikinzeleki qwOngeleki yaAandowishi mpaka omusita Paul Gerhard Kauffenstein, naye wo Elelongeleki lya EKD, otali ipula ngele naye oku na okwiithanwa mo mewiliko.

Shika oshikando oshitiyali muule womimvo 9, aasita oyendji ye na okuthiga po omagongalo gawo oshita.

Umumvo 1973, aasita yatano oya thigile po iilonga yawo omolwokwaatsa kumwe nomuwilikinzeleki gwawo. Unene minima yi na sha nonkathano yOmuluudhe nOmutiligane moshilongo shika.

Aakuluntugongalo 6 nayo oyi iteka melelo lyOngeleki ndjoka.

Petameko lyomumvo nguka, Ongeleki onkwaLuther moshilongo, odha gandjele oomwedhi ntano, Ongeleki yaAandowishi mpaka yi ipule ngele otayi vulu natango okutsikila nelongelokumwe noomwayinangeleki dhAaluudhe.

Ongeleki ndjika inayi kala pamwe nOongeleki onkwawo momatokolo, unene ngoka ge na sha nokupopila uuthemba Omuluudhe. Naashika osho she eta eipumomumwe pokati kaasita nomuwiliki gwOngeleki ndjoka.

Etokolo lyAandowishi Aakwaluther ngele otaa tsikile okukala mehanganoni lyAakwaluther muNamibia (VELKSWA), otali ka za ngiika moshigongingeleki shawo n muKotoba nuumvo.

Ombelewa ya Audio & Visual mOlange

Okuza 9.6.1982, ombelewa yiikwelengi nomizizimba (Audio/Visual) pOniipa, oya talele po Omina ya simana muNamibia, ya C.D.M.

Ouweendo nduka onde lu ningi pamwe netalelopo lyaasita ya ELOK hwiya, omusita Matias Ngipandulua, amushanga guuleligumbo nomusita Fredrich Nghiha-lwa kOhalushu.

Ombelewa yetu ya Audio/Visual, oya li ya mono ehiyo lya zi komina ndjoka opo tu yi talele po, tse tu vule okugongela oondjimbo dhawo muukasete.

Onda longo iiwike iyali mokugongela oondjimbo dhi ili nodhi ili momina ndjoka, notandi tseyithile aaleshi ne nyanyu enene, kutya ileni mu ilandele ngashingeyi uuyamba woondjimbo dhAakawe.
Otu u na mpaka mOniipa.

Onda mono wo ompito yokutala aamwameme miilonga yawo mpeyaka nonda talithwa pamwe naayenda ooyakwetu omahala agehe ga simana mOmina ndjoka.

Ombelewa yetu otayi pandula unene kompito ndjoka twe yi pelwe ku CDM noku tu futila ondjila onde.

Otandi pandula wo eyakulo lyaamwameme ayehe hwiya, unene egumbo lyatate Simeon Hatutale moka nda menekele.

Kalunga ne mu yambekele omayakulo geni agehe Aalange, nohole yeni yuukumwe. Tse otwa thiki nawa.
Ndapewa Mupopya



Omunambelewa Ndapewa Mupopya



Epulo mUukwanyama, tali yamukulwa mUuninginino

Etalalopo lyomumbisifi mUukwanyama muAguste nuumvo, olya etelwa omapulo ogendji kombinga yiinima yi na sha nomithigululwakalo.

Limwe lyomomapulo, olya li lyomizalo dhopashigwana tadhi tana mokati kaakriste. Olya zi kombinga yaalumentu.

Inapu gandjwa uuyeleele ngele omizalo ndhoka odha yalulilwa kumwe noondjo, nenge odha talwa ashike omukalo gwaashi omwaanawa kaakriste.

Tala kep. 6

Epulo mUukwanyama

Dha za kep. 5

Oyendji ngiika oya kudhilwa wo keipulo ndika noya nyengwa okutseya kombinga ndjoka oshinima taye shi gamake.

Meme Anna-Liisa Ashipala, mUuninginino sho nde mu tsakaneke momuzalo gwa tya ngeyi, (Haye ngoka mefano) okwa yamukula ndje newi lya kola:

"Eeno, ngame omukriste lela, ndi li megongalo."

Gwomimvo 41, meme Anna, kee shi omuputuki nando, ihe omuntu otashi ku yebele mbala kutya ye omunandunge gwokevalo niinima oku yi lwete hoka yu uka.

Yina yaanona 6, Anna, kee lwete nando etompelo a kale itaa longitha omuzalo ngeka gwa longithwa kooyinakulu.

Ashike okwa fa kee na wo uyelele wa gwana okutseya uuna omizalo ndhika dha zi melongitho.

"Ondi shi shi ookuku ando ya adhikile kevaangeli pethimbo taa longitha omizalo ndhika, ando ya yi nadho momambo," osho a kambadhala okutompela ndje elongitho lyadho.

Kumeme Anna, omuzalo gwopashigwana, ogu na ondilo momemo ge yi vule ohema ya za muMahomedy's nenge muLewis Mail.

Ashike mUukwanyama epulo lyelongitho lyomizalo dhonale oye etwa koshipala shewiliko lyOngeleki lya tegelela eyamukulo.

Amushanga gwOmukwetu

Omakundo ga zi kaakulupe

Omukwetu okwa kambadhala okutalela po aakulupe oyendji momumvo nguka, nando she tu nyenge sigo onena okuthikitha omakundo gawo kaaleshi nokuholola iipala yawo.

Iipala mbyoka tayi monika moshifo shika, oyaamboka ashike inaatu vula nando okupopya nayo kokana nokana.

Uuntu wawo ohau kala wi ihwa po, uuna to ya pula nkene ya kala muuyuni wawo. Omayamukulo gawo haaluhe tage ya gu ukilila.

"Kaana ngweye, shono sha toka momutse gwandje kashi shi uusila," kuku Nuusiku waShiimi osho a yamukula ndje sho nde mu pula "una a walwa."

Nuusiku epona lyahe Shiimi nayina Nashikonya shilonga. Omvatelele yUukwambi mOnashiku shaLaban nomo e li sigo onena.

Omuselekadhi gwelenga enene Iipumbu, Nakanyala kaAmagola, kuku gwaNuusiku iha ziwa mokana. Ngele lya toka, ono pogola ngaa siku ndyoka kuSteyn.

Onde mu adha oshitumbetango shokufu mepya ta hende.

6 OMUKWETU AGUSTE 30, 1982

iihenguti omutumba. Onde mu dhimbulula kutya kee na nando uudhigu okumona ko nenge oku uva ko.

Omutse omutokele gwa punda olukula nokalutu kapama koshikwambi lela. Shotango onda koneke esiloshimpwiyu komukulupe nguka, sha yela ohe li ningilwa koshitenya she a kala nasho megumbo.

Osho nde mu pula oomvula dhe, okwa toola oshihenguti ta mbambala pevi.

"Ngaye, ngaye Kalunga ohii mu tila ngaashi nda tya ngeyi, a adhitha ndje sigo oompaka. Omutse nguka inagu toka uusila."

Sho a popya oha tala hwiya, ye te ku kenya po manga. Okwa kokela lela megumbo enene i ilonga iizapo niyapo.

Okutala epipi lye olyaamboka taa ka tidha 100 ngele etengeneke lyopevi. Omambo gegongalo lyaandjawa, Onii-mwandi, nago inaga tseya omimvo dhe.

Kuku Nuusiku oku na ashike oomvula 16 muukriste moka a pewa edhina Paulina. Oku na oshindji shokuhokololwa ihe ehala katu li na.



Omusita Setson Shivute okwa galuka keilongo lye kuSoomi, hoka a kala konyala oomvula hamano. Opwa thanekwa omusita nguka a ka longe mEnongelo lyaayakuligongalo mEngela.

Omulongisikola Emirich Mushaandja, Oshigambo, naye okwa galuka keilongo lye kuEngland hoka a kala konyala oomwedhi hamano. Ota ka gandja elongo mOsikola yokombanda ya-Shigambo.

INAI FYA, ONDI NA OMWENYO

Ombilive ixupi kuvakwetu, okupandula shi na sha nefyo la puka la popiwa laStucky Hafeni Naukushu.

Onye Hambeeleni Ndivaye, Lusla Hangula, Ndinela Nghidengwa, Lolde Shindume, Ndapewoshali Shikongeni, Nangula yaKapiya, Nangula yaWilhelm Hamakali, Frida Ndona Hamukoto, Rahab Mutilifa.

Kalunga na amene eemwenyo deni.

Stucky Naukushu

Engambeko lyoluvalo otali opalele mOwambo

Eyamukulo lyengambeko lyoluvalo kutate Kasindani, mOmukwetu gwaMai 1982 NO. 9 ep. 4-5,8.

Onda kumwa ngele nani tate Kasindani ou uviteko ngaa oshitya: engambeko lyoluvalo?

Itashi ti ino vala, ndele otashi ti; u vale uunona mbu to vulu okusila osimpwiyu palutu, pamwenyo nopa-nkalamwenyo. Ngele omulongo, ngele omilongo mbali.

Owa holola aavalithi mbo ya tindile oshipango shomukwaniilwa Farao. Shiyaka inashi faathana. Tala po nawa mpoka.

Owa mona ngaa omuntu a vala uunona omulongo e tau si po auhe ethimbo limwe?

Sho shene osha kumitha ndje, aalumentu Aawambo haa ehama kengambeko lyoluvalo nonando oyo yi itaala kutya uunona kau shi uukwawo.

Otwa vulwa okutala aaselekadhi Aawambo taa lili oluhepo, sho haa thigilwa aanona kaakwawo yaalumentu. Ihaa thigilwa po sha, oshoka aanona kaashi aakwawo.

Owa hala ya ninge oyendji, u ya fale pani? Nenge owa ningila mumwanyoko ngu e li hwiya ta vala aatekulu yoye?

Shono okuhepeka owala oshigwana wa hala.

Yangapi ngashingeyi yaa na iilonga moshilongo? Hалуhepo nani ngawo?

Oombotsotso ndhi tadhi popiwa shaasiku odhini ano? Sho tu na oombotsotso odhindji, epangelo, Ongeleki oyu uvite nawa ngawo?

"Megumbo lya tate omu na omahala ogendji," osho wa ti.

Ihe kage shi goombotsotso. Kalunga keshi kevu-ndakano.

Ngele nani owa hala egulu li udhe oombotsotso niikumbu, ino yemata sho to uvu ombotsotso yoye ya tsuwa omwele. Yo aantu yoludhi nduno ohaa zi momagumbo ngo engambeko kaali uvitiwe ko, nongaashi komunyoli wo.

Ngiika owa hala u tye, "inga yi itedhulula." Ngele okwa tsilwa mpono e ta si?

Ngashingeyi owa tsa aantu mbo ye li mehalakano, ya vale nomukalo shaangoka, yo ya nipile kooyina, wo uunona tau ka hepa:

Oku udhitha ngaa evi hono?

Owe ende wo ngaa muulukanda nomiipangelo, u tale uunona wa hepeka nanyi?

Pula u tale nando omiipangelo, uunona mbu wa sa omolwesiloshimpwiyu lya po.

Shaa wa pula ondjokonona ya yina, oto ka adha kutya oku na uunona omulongo, ye omusamane iha longo, kape na ngo te u sile oahimpwiyu.

Uunona otau hepeketwa ano shike, nonando hawo wene hau pula u valwe? Ando kwa li aalumentu Aawambo famu itula mo mesiloshimpwiyu lyaano-nani, ando hwepo.

Aakiintu otamu ya mitike ne tamu yi ipatana. Uunona tau kala waa na oohe, waa na aasilshimpwiyu.

Tse ongoonakuvala aanalukeno, otatu ngambeke, oshoka otse tu na uudhigu.

Tu yakuliiko ano ngele omu wete tatu hulike oshigwana sheni.

Ilgwana iikweni muuyuni auhe oya taamba aanona yawo ongaakwawo.

Tat ehalo lyye na li gwanithwe nomaalumentu yetu wo:

Omukiintu u uvite uudhigu

Magano Festus

Oilonga yovakulupe

Da dja kep. 1

Efimbo lihapu lovakulupe oli li monima. Nge tava tale lwanima, otava dulu okumona oilonga yomake noyomadiladilo avo. Onda itavela otava hafe nena ngeenge tava yeleke onunene wOngeleki nou-nini wayo pehovelu.

Kape na omalimbililo ei oyo oiimati yoi-longa yavo. Ngeno aveshe opo tuu ve li ngeno omaudjuu efimbo lavo, otaa shitunga ehafo nena. Hamoinima ashike yopampepo, ndele omaukololo aeshe onghalamwenyo.

Otava hafe nge tava mono outekulu nou-tekulululwa vavo va hongwa va hongekaka, okuyeleka nefimbo lavo.

Tala kep. 8

**ETSEYITHO LYOSIKOLA
YANANDJOKWE**

Dha za kep. 7

*Osikola yaapangi mOnandjokwe, o-
tayi ka taamba aalongwa aape, mbo-
ka ye na ostanda onti-8 omumvo
1983.*

*Kehe ngoka u na ehalo, ninga eindi-
lo mu na iinima tayi landula:*

1. Ombapila yoye yeindilo
2. Ombapila yegongalo lyeni
3. a) Onzapo yongundu 8, nuumvo
yaJuni.
b) Onzapo yoyene yostanda 8,
ngele owa pita nale.

*Otatu indile neinekelo aakuluntu
yoosikola, osho wo aasitagongalo
ya pukulule noya dhimbuluthe aa-
nasikola, opo oombapila adhihe nda-
tu dhi kale dha tumwa.*

*Ngele hasho, nena eindilo lya tya
ngawo inali gwana po, noitali ya-
mukulwa.*

*Ano eindilo lyoye lya gwana po
nali kale lya thika manga 16.10.1982
inaali pita. Nali ukithwe:*

**KOMukuluntusikola (The Principal)
Onandjokwe, Lutheran Hospital
P/Bag 2016, Ondangwa 9000**

A HULITHA OONDJENDA DHE

Omusamane Elifas Mandina, Okankolo okwa
manene oondjenda dhe 31.3.1982 muuvu wethi-
mbo efupi. Okwa thigi ko oyana 4.

Tu dhimbulukweni ano momagalikano.
Viktoria Elifas

E TU TETEKELE

Oskar Mwatile Shasimana Kangwe okwe tu thigi po 6.4.1982
moshipangelo shepangelo mOshakati.

Nakusa okwa kala omulongi a tameke 1968 pOshikwa
mOkahao.

Okwa sile mepipi lyomimvo 39, a thigiko omukadhi noyana 6.

*Ndele ovakulupe vetu, eshi inashi ningwa
oku mu dinifa, osheshi ngeno hanye,
ngeno katu li panghatu ei. Ovakulupe
onye ovanhu ava mwe tu dikila ouhamba
waKalunga apa mokati ketu.*



**Konima yedhimepo lyoondjo,
okwa kambela sha?**

Ngame mwene ondi na eitaalo medhimopo lyoondjo.
Nondi shi shi kaku na ondjo hayi nyenge Kalunga
oku yi dhima po, ngele okwe yi hempulula e te yi etha.

Eipulo oli li ihe mpaka; Omusitagongalo ngele okwa
yono, oha dhiminwa po oondjo dhe. Ihe omuntu a tya
ngawo, iha shunwa we miilonga ye. Ano konima yedhi-
mo lyoondjo, ohaku hupu sha?

E. J. AMPWEYA

**Oshigongingeleki sha ELOK mOngwediva 1981,
moshitokolitho 146, kehe omunashilonga ota vulu
ngashingeyi okushuna moshilonga
Amushanga gwOmukwetu**

OMUKWETU

Oye oshifo shOngeliki -Onkwaevangeli paLuther yomOwa-
mbokavango.

Ohashi nyanyangidhwa mOniipa.

Omukuluntu gwoshifo omumbisofi dr. Kleopas Dumeni,
Amushanga gwoshifo omusita Sebulon Ekandjo

Ondando yoshifo komumvo muAfrika alihe R2,60. Kombanda
yomafuta R5, 00, nondhila R6, 24.

Ondando nomambestelo agehe naga tumwe kOmukwetu,
Oniipa, P.Bag 2013, Ondangwa, 9000

**EV. LUTH. OWAMBOKAVANGO CHURCH PRESS
PRIVATE BAG 2013, ONDANGWA 9000 SWA/NAMIBIA**